

Ysgol Gymraeg newydd ar y gweill



Dechreuodd gwaith ar adeiladu ysgol Gymraeg newydd yn Hwlfordd ar gyfer rhai 3 i 16 oed.

Cynhaliwyd seremoni torri tir newydd i arwyddo dechrau adeiladu ar Ddydd Gŵyl Dewi gan Willmott Dixon, y contractwyr, ar y safle yn y Llwyn Helyg.

Mae'r datblygiad £28 miliwn yn cael ei adeiladu fel rhan o Raglen Ysgolion yr 21^{ain} Ganrif - cydweithrediad rhwng Llywodraeth Cymru a Chyngor Sir Penfro sy'n rhannu'r gost rhyngddynt.

Mae'r ysgol yn un o bum ysgol newydd sy'n cael eu hadeiladu ar hyn o bryd yn Sir Benfro dan y fenter £120 miliwn gyda gwaith ailwampio i ddechrau ar ysgol 3 - 16 yn Nhyddewi'r haf hwn.

Agorodd pedair ysgol newydd eisoes.

Mae'r ysgol newydd yn cynnwys:

- meithrinfa 45 lle
- darpariaeth gynradd 315 lle
- ysgol uwchradd 600 lle
- cylch meithrin 24 lle.

Hefyd yn gynwysedig mae llain chwaraeon pob tywydd a chyfleusterau cysylltiedig.

Dywedodd Jamie Adams, Arweinydd y Cyngor Sir, wrth y gwesteion yn y seremoni bod yr ysgol yn cynrychioli'r buddsoddiad cyntaf erioed mewn addysg uwchradd Gymraeg yn y rhan arbennig o'r sir.

Mae'r unig ddarpariaeth uwchradd arall trwy gyfrwng y Gymraeg yn Sir Benfro yng Nghrymbych, gydag amserau teithio o ganol a de'r sir dros 45 munud.

Croesawodd Huw George, Aelod Cabinet y Cyngor dros y Gymraeg, ddisgyblion o Ysgol Glan Cleddau yn Hwlfordd - ysgol y bydd disgyblion ohoni'n trosglwyddo i'r ysgol newydd unwaith y bydd wedi agor - a disgyblion o Gelli Aur ym Mhenfro ac Arberth, fydd yn gweithredu fel ysgolion cyflenwi ar gyfer yr elfen 11-16.

Nid oedd Ysgol Hafan y Môr yn Ninbych-y-pysgod, sydd hefyd yn ysgol gyflenwi, wedi gallu mynychu.

Cyn torri'r dywarchen gyntaf gyda'r Cyngorydd Adams, dywedodd Andrew Dobbs, Cyfarwyddwr Rhagadeiladu Willmott Dixon Cymru a'r Gorllewin, wrth y gwesteion bod torri tir newydd yn garreg filltir bwysig i ddathlu dechrau adeiladu ysgol newydd gyffrous.

Ychwanegodd: "Bydd y cyfleuster modern, diweddaraf hwn yn creu'r amgylchedd dysgu gorau oll. Bydd Willmott Dixon yn gwario'n lleol i'r eithaf wrth greu cyfleoedd i gyflogi a hyfforddi'n lleol er mwyn sicrhau ein bod yn gadael etifeddiaeth barhaol i'r gymuned."

Bydd yr ysgol yn agor ym mis Medi, 2018.

Geiriadau

- 1) Andrew Dobbs (ar y chwith) a'r Cynghorydd Adams yn cyflawni'r seremoni torri tir newydd.
- 2) Disgyblion o dair ysgol gynradd leol yn gwylio'r seremoni.

